

# Inuusuttunut sapiitsunut nukittuunullu uppersaatiit

**Persuarsiornarpalaartumik ilassininnikkut inuusuttut aqqanillit decembarip 19-iani Timi Asimimik naammassinillutik allagartartaarput, tamatumanilu inunnik annaassiniarnermut ikiueqqaarnermullu uppersaatiit aamma ilaapput**

## ■ INUUSUTTUNUT SULINIUT

**Dorthe Olsen**

dorthe@sermitsiaq.gl

Timi Asimip ukiaq manna ingerlanneqarnerata naammassiniarnissaa ilitsersuisunut inuusuttunullu unammillernarsimavoq. Timi Asimip meeqqat angerlarsimaffiat Qaamasoq kiisalu Kommuneqarfik Sermersuup isumaginninnermut immikkoortartaqarfia suleqatigilerpai, tassanilu peqataasut meeqqat angerlarsimaffianneersuullutik kiisalu inuusuttuullutikallat meeqqat atuarfiannit ingerlaqqinnissaminut unittoqqasut.

Timi Asimimik ingerlatsisup isumassarsisullu, Kim Godtfredsenip, inuusuttut Timi Asimimik naammassinillutik allagartartaarput tulluusimaarutigeqai.

– Eqimattat uku sammisaqartinnissaat unammilligassaasimaqaaq, ilaatigut piffissaq eqqorlugi takkunnissaminik ilikkarnikuusimanngimmata, aammalu ilaqtariinniit isumaginninnikkut ikiortariaqartuneeersuummata, imaluunniit meeqqat angerlarsimaffianneersuullutik. Taakkuli peqataasimasunit sapiinnerpaanertik nukittunerpaanertillu takutippaat, tassami sakkortuunik atugaqarlutik alliartoramik, sapiissuseqarlurput, misilitassanillu aporfegarnatik peqataanermi misiliisarlutik. Soorlu assersuutigalugu Timi Asimip oqalutuarisaanerani siullerpaamik annaassiniarnermi peqataasut tamarmik angusipput, Kim Godtfredsen tulluusimaqisoq oqarpoq.

Inuusuttut ilitsersuisutik, Kim Godtfredsen, Kirstine Godtfredsen aamma Lasse

Nymand Petersen sorpassuarnik ilinnartissimavaat, ilaatigut inuusuttut ullutsinni qanoq ittuunerannik, oqaatsitigut ataatsimuuleraangamillu pissusaatigut.

– Inuusuttut imminnut paarillaqqissorujussuupput. Ilaat 13-iinnarnik ukioqarput, utoqqaanerillu ataatsimoorlutik ikiortarpaat atorfissaqartitsigaangatalu tapersersortarlugit. Piffissap ilaani uagut

tungitsinniit unammilligassaasarsimaqaaq, tassami perngarluta meeqqat angerlarsimaffineersunik ilaqtariinnillu sakkortuunik nalaataqarsimasuneersunik peqataatsigata. Peqataanerit eqqartoqqittussaavarput pisullu misiginikuunngisavut qanoq ililluta qaangerniartassanerlugit eqqartorlugi. Kiisanni Timi Asimip anguniagai allanngortineqassanngillat, ingerlaannassapput, naak inuusuttunik sakkortuumik tunuliaqutaqartunik sullissigaluarluta, Kim Godtfredsen oqarpoq.

## Peqataaneq nuannersoq

Malik Pedersen 16-inik ukiulik, allagartartaarumi nuannaqaaq tulluusimaarunilu.

– Aallaqqaataaniilli peqataanera nuannarilerpara. Ikinngutima Timi Asimimi aallartikkusunnersunga aperimmannga

piumasimanngikkaluarpunga. Aqquusaakkavut tamaasa nuannareqaakka. Sungiusarlunimi nuanneqaaq, nalukkiartarluni, aamma annaassiniarnermut allagartaqaleranera, ikiueqqaarnermut allagartaqaleranera, ikualattoqartillugulu qamisaasinnaanermut aamma allagartaqaleranera tulluusimaarunaqaaq, Malik Pedersen oqarpoq.

Taanna misigisimavoq siornatigornit piginnaasaqarnerulerluni, imminullu tatiginerulerluni.

– Timi Asimimut peqataanera nuannaarutigaa. Annaassiniarnermut pikkorissarnera nuannarinerpaagunarpara, tamannami uannut soqutiginarnerpaammat. Naluttarfimmi sulilernissara pilerigaara, sulilersinaavungami tassami annaassiniarnermut allagartaqalerama, Malik Pedersen oqarpoq, taanna aasap kingorna Danmarkimut efter-skoleriassamaarpoq.



Makku allagartartaarput / Følgende fik beviser: : Naja Arnannguaq Jakobsen, Odak Olsen, Aqqaluk Lyng, Thomas Larsen, Aputsiaq Larsen, Hans Pavia Kristensen, Malik Pedersen, Hans Emil Ludvigsen, Eigil Singertaat, Bella Ale aamma / og Jan Barlaq.



Inuusuttut umiarsuarnut nakkutilliissummut Knud Rasmussenimut pulaarput, umiarsuarnilu putsup iluanut pulaneq, aqunneq kiisalu gummibådeiit pissanneq misilinneqarlutik.

De unge fik også besøgt inspektionsfartøjet Knud Rasmussen, hvor de fik prøvet at røgdykke på skibet, og styre og hoppe fra gummibåden.

## PAASISAT

Inuusuttut allagartartaarput ikiueqqaarnermut pikkorissartinneqarput, ikualattoqartillugulu qamisaanermut pikkorissarlutik, annaassiniarnermut pikkorissarlutik, nalunnermut pikkorissarlutik, takisuumut pisuttarlutik, inuttut ineriartornermut pikkorissarlutik, suleqatigiinnissamat teambuildingimik taasamat pikkorissarlutik, nerisagarnermut nerisassiornermullu tunngasunik pikkorissarlutik, innartorlutik, crossfiterlutik, suliffeqarfinnut pulaarlutik allarpassuarnillu aamma misigisaqarlutik.

Timi Asimi 2011-imili aallartimmat inuusuttut 128-t peqataasarsimapput, tulluilu januaarimi aallartissallutik. Timi Asimi meeqqat angerlarsimaffii kommunimilu isumaginninnermut immikkoortartaqarfik suleqatigalugit ingerlanneqarpoq.